

黑龍江府縣志輯

中國地方志集成

民國增補縣志
民國增補縣志
民國增補縣志
民國增補縣志
民國增補縣志



中國地方志集成

黑龍江府縣志輯 ⑩

民國璦琿縣志

民國黑龍江通北設治局通志

民國嫩江縣志

民國布特哈志略

民國景星縣狀況

鳳凰出版社 ● 上海書店 ● 巴蜀書社

瑗瑀縣志序

民國九年十二月瑗瑀縣知事孫君鏡忱以其縣志初成問序於余余維志之不修久矣長民者慎供厥職勉其力於簿書期會往往不暇以爲爲之而有成勿論其書之精羅純駁實斬備一方之俗與事無俾散佚後之人得有所考鑒於斯斯亦可謂良有司矣在昔周官土訓誦訓職掌燦然有一地而不知其地之事與物與求不知其方志方慝之爲奚若烏可以施爲乎士大夫守禮家世譜牒猶有存者況其在有國乎近頃以來國家日下文令徵求各方志乘良有以也黑龍江地處窮邊文獻之闕肇自古昔探輯之難不獨瑗瑀一邑故文令迭下而應者絕鮮本省設局輯修通志亦以各縣志乘光無所據

瑗瑀縣志序

閱歲時而木蕝事余方病焉一旦睹此喜可知也雖其體例文辭未能盡善然備一方之俗與事使後之人有所考鑒行知其地之事與物與求而熟察乎方志方慝之詳以施於爲政其爲功又非第應志乘之徵求已也鏡忱可謂知本矣黑山孫烈臣

瑗瑀縣志序

爲政者必考其政之所施博而約之繁而簡之悉其要領得其指歸然後從事不勞而理若網在綱有條而不紊並垂範於後人如良工然閉門而造車出門而合轍蓋有所持者在也不然以地方而寄之一人以一人而盡之萬事茫茫然於地方之禮教風俗山川之勢物土之宜與沿革乘除演進毫未留於其衷而且瞠目無睹則其治蓋可知矣此吏治之所以日蹙而得爲政之本者之難也歲乙卯鏡忱來宰瑗瑀晉謁於余惻惻無華望而知爲儒吏甚有以期望之俾光於斯土惟余來去頻繁丁巳復蒞斯道適有督勸各縣編纂邑乘之命鏡忱欣然從事並詢概要於余而以典籍闕如文獻無徵爲憾

瑗瑀縣志序

余維志者誌也古之方域地理博物曰志曰考曰紀皆言紀其實也此物此志信而可徵傳之彌久後之賢者因是而推闡光大之斯可矣鏡忱踴余言因集其邑之賢士君子老成名宿博徵詳稽勸勵助以期於成而余旋去庚申復來而稿適脫持書求正余覽而嘉之邊荒之閭寂人民之屯堡金石之晦沉竟能提要鉤元創而成之於地方風俗山川道里民族物產釐然可考以爲一方之典藉國史之嚆矢俾後之人知考方志方慝之別以求爲政之要豈非此志之所貽與誠哉

軍長之言曰雖其體例文辭未能盡善然備一方之俗與事使後之人有所考鑑以施於爲政扼要之論也數語盡之矣余又何敢贅言

惟序其志之沿起及余來去之迹而竟得以余觀成豈偶然哉本此而探爲政之要舉而措之裕如矣後之賢者鑒於創斯志者之難因是而擴充纂輯之以緝邊域之光斯又所厚望也是爲序京兆張壽增

瑗瑯縣志序

二

瑗瑯縣志沿起啓

志乘爲地方要籍凡觀一郡邑之政治風俗戶口之繁簡財賦之盈虧物產之豐蓄人民之文野皆於典籍是賴而得其從政之由瑗瑯居我國東北極邊逼近強俄清初已視爲重地則凡關於斯土之地理形勢政治上一切布置皆當詳細記載按籍可得以考政治之沿革借鏡之源流乃有清一代賢達輩出豐功偉烈不可指數要皆從事於戎行武功彪炳未暇致志於典籍而草萊未闢象著屯蒙文教闕寂關於地方紀載更絕無私家著述近數十年以迄民國紀元文化海哲明哲賢俊相繼輩出羣知以典籍爲重而文獻無徵引爲憾民國四年奉

瑗瑯縣志卷一

命來蒞茲土臨履山川周視原野熟察戶丁鈎稽物產而知邊地之政治設施與治內地迥異更兼全縣地域以江爲界處處鄰俄交涉繁多厯隨諸

道憲之後得觀處理外交審機觀變提要鉤元方能內不失已外不失人臻於妥協欲將厯年所得筆之於書藉以自勵爲仕學並進之資適奉

省署有編纂縣志之命竊念瑗瑯縣志一無憑藉從事編纂爲倍難而倍要爰於六年召集邑紳現任協領徐述之及周輔臣諸君商議斯舉一以委之以觀厥成諸公以地方要務欣然引以爲任惟以方策未布採集實艱兵燹之餘故老流徙尤以廷訪爲難且諸公

抑然之度堅請 操筆爲刪削之役一行作吏學殖久疏何能與
於潤色之業惟懷

上之命而且以瑗之必當創是志也爰與諸公協而成之捫榮扣聲
知多未當敬懇

上之誨示頒賜訓言冠諸篇首並博雅君子教而正之俾是編得爲
邊隅之一政書地方之幸亦 之幸也 瑗 啓

中華民國九年四月誌於瑗瑋官廨

瑗瑋縣志 卷一

瑗瑋縣志跋

瑗瑋地處極邊與俄爲隣山嶺重疊幅員延袤憑高眺遠襟江帶河
實一險要之區惟人民樸素戶籍散佚從無志乘可稽實吾瑗政治
文化外交上一大缺點爲吾紳民所遺憾民國四年縣長孫鏡忱公
來蒞茲土下車伊始以經國大計首在邊疆瑗瑋爲江省東北門戶
外接強隣內撫曠野庚子兵燹元氣未復雖鼎革以來規模粗具而
人民散處土客紛曉礦產林務事最繁劇文學未著化民強國之基
尤關重要公運之以精思持之以毅力締造經營首先擴充學校整
頓警團薄徵節用招墾勸農禁植粟未及期年已著大效復以地
方政要首在圖籍志乘闕如實爲大憾爰召 等而屬以縣志之役

瑗瑋縣志 跋

聞公緒論指示要歸實愜夙心惟 學術謬陋多年從戎並經理鄒
民事業習與樸野學殖荒落操筆典志知所難勝惟關地方要舉且
幸得我孫公典雅文宗熱心提倡提綱挈領闡著精微 等又何敢
辭爰檢各屬文牘廣詢士紳以及老農騶卒擬輯地理政務財賦交
通外交祠祀學務武事人物禮俗物產藝文庫事各類撰爲概略歷
呈我公裁閱二載而書成雖拙陋無文而其關係地方者則甚鉅
古無冊籍而以此爲稿矢庶得附於簡末皆公之賜也固圍實邊
進文化後之人考而求之公之志與事俱於此書見之矣是爲誌謹
跋徐希廉

例言

黑龍江五城瑗瑯實居其一而創設自康熙朝官書如大清一統志滿洲源流考諸書紀瑗瑯事特略且瑗瑯旗署舊檔自遭庚子之役篋字無存雖在庚子之先曾有報省之案屢往調取而未應致無考鏡

黑龍江向無省府縣志其黑龍江外紀卜魁紀略諸書皆略而不詳所以此書得之父老傳說者十之四五得之實地調查者十之二三得之於舊記並討論者十之一二郡縣志古事今事應並重此書詳略不倫而偏重於人民財賦教育兵事實業外交貢其一得之愚俾為經世之助

瑗瑯縣志卷一

山川主名俱從今稱舊記名稱亦備錄之俾得各史互相印證山嶺高度水源里數則皆約略估計也

瑗瑯城官兵自前清征調以來無役不從且陣亡入祠者頗多茲以省卷難求而本署案牘闕如湮沒忠義未知凡幾討論調查者為陳紳靜山吳紳朗山周紳輔宸諸君故瑗瑯事蹟略得梗概

此書編輯始於民國七年秋迄至八年脫稿文獻無徵簡編莫考雖未二年而告成然皆從簡就略紀其事實

蓉園茲蒞斯土官以知事應盡知方之責任以補瑗縣圖籍之未備惟典籍無存學殖又苦荒落書成編為十四卷叙述凌雜鄙漏不文大雅君子幸匡正之

瑗瑯縣志卷一

地理志

- 一疆域
- 二山嶽
- 三河川
- 四城池鄉屯
- 五氣候
- 六古蹟


勘誤表

正	誤	數字	數行	數頁	數卷
收	析	三十二	六十	二	一


瑗瑯縣志卷一





第二派出所界圖





第三派出所界












第九派出所界圖



瑗瑁縣志卷一

地理志

知方氏曰黑龍江城古卽瑗瑁居黑龍江右岸距內地絕遠前清定鼎驅羅利於大興安嶺外凡嶺陽之流以薩哈連島喇爲歸墟者胥立版圖體國經野設官分職初置軍區後改郡縣并疆輦然規模俱備瑗瑁雖一隅之地民庶土沃林礦豐富充其財賦利其交通內瞰全省外拒強鄰實黑龍江一重鎮也謹作地理志首疆域次山河次城池村屯以古蹟殿焉

一疆域

黑河道道尹公署

附郭瑗瑁縣一屬縣三呼瑪漠河

瑗瑁縣志卷一

羅北黑河道屬北濱黑龍江南至小興安嶺二百五十里西至額爾古納河口二千餘里東至松花江口一千四百餘里

瑗瑁縣屬東枕黑龍江距黑河七十里西至小興安嶺一百八十里北至西爾根奇卡界四百餘里南至遜河口三百餘里因有水名瑗瑁故以得名瑗瑁河在今俄人佔據我六十四屯之中全境內環峻嶺外襟大江其勢蜿蜒紆迴延袤八百里內多崗嶺林巒河流汴港誠爲沿邊險要之地

二山嶽

興安嶺外紀謂小興安嶺也在縣西一百八十里高四百四十餘丈長向東南蔓延青黑兩山西北達於黑龍江右岸嶺左流出之水

入黑龍江嶺右流出之水入訥河松花兩流

二龍山在縣西九十餘里高四十餘丈長六里山下有旅店數戶

一駕山在縣東南八十里向巴拉哈達山下即此山高三百餘丈長接西嶺綿延而去產楊柳各木

二駕山在縣南九十里高二百餘丈長三十餘里產樺柞各木

三駕山在縣西南百里左右高一百八十餘丈長二十餘里產榆楊各木

長嶺山在縣西南四十五里高五十餘丈長十餘里均屬細沙豆石遇雨無泥

礮臺山在縣西二十餘里高三十餘丈長向北綿延不斷

瑗瑁縣志卷一

卡倫山在縣北三十餘里高二十餘丈長十餘里山前卽卡倫山屯

額泥河山在縣北一百二十里高四十餘丈長二十餘里產柞樺各木

白石磴子山在縣北一百九十餘里高五十餘丈長接連北行以致

額爾古納河口爲止山嶺叢疊樹木蒼翳綿延不斷難於析舉

三河川

黑龍江自西北俄界星宿海發源以致東南流入東海口查黑河道尹之屬界卽上自額爾古納河口起下至松花江口爲止約在四千里左右

庫瑪爾河自小興安嶺發源流入黑龍江距琿琿縣六百餘里此河向產東珠前清時代每值大婚之年必先由烏拉總管派撥官兵到琿琿工司備舟裹糧抵庫瑪爾河捕珠霜降以前必返烏拉總管衙門銷差

坤河自興安嶺左發源流入黑龍江距琿琿縣西南三十餘里

額爾河自嶺左發源流入坤河距琿琿縣西一百一十餘里

庫莫爾河自嶺左發源流入遜河距琿琿縣西一百四十餘里

遜別拉河自嶺左發源流入黑龍江距琿琿縣南三百餘里

科爾芬河自嶺左發源流入黑龍江距琿琿縣南四百餘里

烏雲河自嶺左發源流入黑龍江距琿琿縣南五百八十里

琿琿縣志 卷一

額泥河自嶺左發源流入黑龍江距琿琿縣北一百三十餘里

寬河自嶺左發源流入黑龍江距琿琿縣北二百餘里

法別拉河自嶺左發源流入黑龍江距琿琿縣北一百五十餘里

安羅河自嶺左發源流入黑龍江距琿琿縣西北八百餘里

西勒奇河自嶺左發源流入黑龍江距琿琿縣西北八百餘里

烏木爾河自嶺左發源流入黑龍江距琿琿縣西北一千二百餘里

漠河自嶺左發源流入黑龍江距琿琿縣西北一千八百餘里

四城池鄉屯

黑龍江城古居琿琿自康熙二十九年將軍遷治於墨爾根城琿琿設副都統鎮守之分八旗鑲黃正白鑲白正藍鑲紅正黃鑲藍正紅

設四協領分管之並二十六佐領內有正白鑲紅漢軍二佐領亦隸各旗協領兼管並防禦八員驍騎校二十六員領催委官前鋒每佐六名兵五十餘名水師管四品官一員五品官二員六品官二員領催八名內有委官二名水手四百餘名官莊六品屯官一員領催四名壯丁二百餘名自光緒三十二年琿琿人民歸業於三十三年經副都統姚公請款庀料建衙設署修葺四門城壕南北長一里六五東西寬一里四計周城六里一分

各司職掌

堂司一曰印務處掌管副都統印信及理賀表謝恩摺兼收發文件等事司長爲監印官其下印務筆帖式一員額委筆帖式二員

琿琿縣志 卷一

四

看印官一員其餘司員筆帖式隨時添派行走印存堂司印鑰存副都統府第監印官則執印鑰牌爲請鑰用印信符證

戶司掌管官兵俸餉旗民戶口地畝賦稅進獻貢物各事宜凡民事訴訟俱屬之司有關防司長爲掌印其副爲幫印

防筆帖式一員額委筆帖式二員司員無定額掌印或派協領或揀派佐領屯官爲之驍騎校由筆帖式升補者亦可委派印或協領如不勝任僅可司中行走署名畫諾不能主持司事

兵司掌管兵馬軍政外交緝捕各事宜司有關防司長爲掌印其副爲幫印司員以下各名額與戶司同

刑司掌管人命盜案刑事訴訟各事宜司有關防司長爲掌印副爲